



UNIVERSITÄTS-
BIBLIOTHEK
PADERBORN

Geschichte der geistlichen Stiftungen, der adlichen Familien, so wie der Städte und Burgen der Mark Brandenburg

[Urkunden-Sammlung für die Orts- und spezielle Landesgeschichte]

Riedel, Adolph Friedrich

Berlin, 1862

L. Anna, Herzogin von Schlesien, bestätigt dem Dietrich von Retfelde die Ausstattung seiner Tochter für das Kloster Arendsee, am 6. August 1323.

Nutzungsbedingungen

[urn:nbn:de:hbz:466:1-55716](https://nbn-resolving.org/urn:nbn:de:hbz:466:1-55716)

XLIX. Die von Ghure verlaufen dem Kloster Arendsee ihre Besitzungen zu Leppin,
am 3. April 1323.

In nomine domini Amen. Ne propter labilitatem humane memorie res geste euaneſcant feu obliuioni in perpetuum tradantur, expedit, eas ad ſcripta redigi, per que ad poſteriorum noticiam transferantur. Nouerint igitur Vniuerſi tam preſentes quam poſteri, Quod nos Buſſo et Bruninghus, fredericus, Otto et heninghus, fratres dicti de Ghure, libero animo et ex certo conſenſu et voluntate legitimorum heredum noſtrorum vendidimus honorabili viro domino Thiderico prepoſito, Margarete prioriſſe totique Conuentui Sanctimonialium in Arneſſe omnia bona noſtra, que in villa lepyu hactenus habuimus, cum omni Jure et omnibus attinenciis, ſicuti nos ea de Bruningho, noſtro Suagero, habere diſceſimus, pro viginti marcis argenti Stendalenſibus in perpetuum poſſidenda, Nichil iuris in Bonis ville predictis nobis reſeruantes, Immo omni iuri, quod nobis competebat, renunciauimus integraliter et ex toto. Huius vendicionis noſtre teſtes ſunt dominus albertus, prepoſitus in kreueſe, Arnoldus de Roſſow, Nycolaus de Ghure, fredericus de molendorpe, Tydericus de Gholtbeke, famuli, et Plures alii fidei teſtimonio decorati. Vt igitur hec noſtra vendicio firma et inuiolata permaneat, preſens dedimus ſcriptum Sigillorum honorabilium virorum prepoſiti in kreueſe, Arnoldi de Roſſow famuli atque noſtrorum munimine Roboratum. Datum Roſſow, Anno domini M°. CCC°. XXIII°, In octaua Paſche.

L. Anna, Herzogin von Schleſien, beſtätigt dem Dietrich von Reſſelde die Ausſtattung ſeiner Tochter für das Kloster Arendsee, am 6. Auguſt 1323.

In nomine domini amen. Vt ea, que ſub tempore ſiunt, ne ſimul cum tempore labantur, neceſſe eſt, vt litteris auctenticis ac ydoneum voce teſtium robur accipiant perpetue firmitatis. Hinc eſt, quod nos Anna, dei gracia Duciffa Slefie dominaque Wratizlauienſis, ad noticiam vniuerſorum tam preſencium quam futurorum huius pagine teſtimonio volumus deuenire, quod conſtituti in noſtra preſencia Thidericus Reytuelde et thidericus ſuus filius, ſani corpore ac bona eorum mentis valitudine, Curiam ipſorum in hertzuelde in noſtra terra Schuſenſi ſitam cum vno manſo et cum vno quartali agrorum, cum decima ac cenſu quindecim denariorum agrorum eorundem ac Judicio ſupremo Clauſtro, Arneſſe nuncupato, in diſtrictu Soltwedelenſi ſituato, necnon domine Prioriſſe Totique Conuentui ibidem cum duabus filiabus ſuis, ſororibus dicti Thiderici filii ſui, propter deum donauerunt et ad manus dicte Prioriſſe ac tocius conuentus libera ac ſpontanea voluntate Jure hereditario reſignarunt. Nos vero dictam donacionem et reſignacionem, dei intuitu ac diuine remuneracionis interuentu, ratam et gratam habentes, preſatam Curiam cum agris et omnibus vtilitatibus prenomiſatis, ſicut dicti de Reytuelde et ſui progenitores ipſam Curiam poſſederunt hucufque, ſupradicto clauſtro Arneſſe et domine prioriſſe omnibuſque ſancti-

monialibus inibi commorantibus de nostra liberalitate contulimus et presentibus conferimus Jure hereditario ac proprietatis tytulo perpetue possidendam. In cuius Rei testimonium presentibus nostrum Sigillum duximus apponendum. Actum et datum in nostra Ciuitate Sehufen in die Beati syxti martiris et sociorum eius, Anno domini M°. CCC°. XXIII°. Presentibus domino Euerhardo preposito Berlynensi, Domino Nycolao preposito Sehufenfi, Domino Johanni [sic!] Cantore opachenienfi, dicto de Lodemaria, nostro cappellano, hinrico Rintdorp, nostro aduocato, Betkino deywede, Oycberto, Ciui in Sehufen, Ewerwino, nostro cappellano et notario, qui presencia habuit in commisso.

LI. Die von Reifelde dotiren ihre in das Kloster Arendsee aufgenommenen Schwestern mit Gebungen aus Primern, am 23. September 1323.

In nomine domini amen. Nos Thidericus de Rituelde Senior, Thidericus de Rituelde Junior ac henninghus de Rituelde Coram omnibus presenciam visuris recongnoscimus publice profitentes, quod ex matura liberalitate nostra donauimus nostris tribus sororibus in claustru Arneffe canonice desponsatis vnum chorum filiginis cum decem modiis tritici in villa primer ex duabus Curiiis, videlicet: Ex Curia Coppe Brunowe dimidius chorus filiginis exsoluetur cum quinque modiis tritici, alius dimidius chorus exsoluetur cum quinque modiis tritici ex Curia Johannis de Berne, quouis anno in festo beati martini: hoc verumptamen adiecto, Si vna predictarum ab huius ergastulo emigraret, due superstites tantummodo prefatum chorum filiginis optinebunt, Sed decem modii tritici cedent Conuentui, duabus vero defunctis dimidius chorus cedet conuentui, dimidium chorum superuiuens optinebit, Hiis tribus defunctis idem Conuentus Integrum Chorom filiginis cum decem modiis tritici modo pretaxato perpetue et hereditarie possidebit. Ne quis vero huic donacioni ausu temerario audeat obuiare, Presentes iussimus conscribi et sigillo nostro vna cum Sigillis Ciuitatis Sehufen et discreti viri Hinrici de Runtorp, tunc temporis ibidem aduocati, firmiter Roborari. Testes sunt prefatus hinricus de Runtorp famulus, Otbertus, Boldewinus, Conradus aurifaber Senior, Ghiso de osterborch, Gherardus de Boben, Junior Conradus aurifaber, Gyfo Barfewis, hinricus de kerkow, Ebelinghus friso, tunc temporis Consules et Scabini in Sehufen et alii quam plures fide digni. Datum Anno domini M°. CCC°. XXIII°. In Craffino sancti Mauricii et Sociorum eius.